

Egregiè nutrit, & Humorū acrimoniā corrigi. Easdem possidet virtutes ac Jusculum Consummatum, quod vide.

Diu asservari nequit, quin mucorem & foetorem contrahet: unde recens semper usurpanda erit.

Globus Saponaceus.

℞. Sapon. albæ ℥ij. Sulph. vivi ℥j. Æris virid. ℥j. Camph. ℥j. Ol. Tart. q. s. f. Globus s. a.

Vesperī pars affecta cum eo (tantillo Aceti humectato) blandè obducatur, & mane proximo Lacte abluatur, ad Vitiliginem, & Morphæam delendam.

Haustus Alexipharmacus.

℞. Aq. Lact. Alexit. ℥iij. Epidem. Pæon. comp. Syr. Garyoph. de Croco ā ℥ij. Diafcond. ℥ij. Lap. de Goa ℥j. m.

In Febribus mali moris, Spiritus collapsos erigit, & sustentat; Malignitati adversatur; è Centro corporis ad Circumferentiam pellit; & Sudorem ciet. Propinari potest, sextis, vel octavis horis, pro re nata.

Haustus Amarus.

℞. Aq. Card. bened. ℥ij. Ment. Cinnam. fort. ā ℥ij. Gent. comp. ℥ss. Pul. Serp. Virg. ℥j. m.

Eisdem insignitur virtutibus ac Decoctum Sacrum, quod vide. Insuper Ventriculū roborat; Vomitionem sedat; & Vermes enecat.

Haustus ad Arenulas.

℞. Succī Petroselini ℥iss. Sp. Vini com. ℥ss. Ol. Anisi gut. ij. Sp. Sal. Armon. gut. viij. Sacch. alb. ℥ij. m.

Urinam ciet; Saburram pituitosam, Tartarum granulascens, & Arenulas, quā potentissimè expellit: In grandiori verò Calculo, ab
hu-

hujusmodi valenter provocantibus omnimodè abstinentum erit. Nè, si in Rene sit, eum in Ureterem fortiter impellant, ejusque canalem (quasi epistômio) strictim obturent; atque ita Suppressionem Urinæ funestam inferant. Si in Vesica; ne Mucum viscidum [qui Calculum crassè obvelat, illiusque asperitates, quasi thecâ, mollitèr recondit] eluant; atque etiam Calculum ipsum fortius exagitent; è cavea, ubi quietus latuit, deturbent; dirumque trucemque Paroxyfinum pessimè excitent.

Haustus Astringens.

R. Aq. Plantag. ʒij. Ment. ʒss. Cinnam. fort. ʒj. Syr. de Mecon. ʒvj. Ol. Nuc. Mosc. gut. j. Diacordii ʒss. Boli ʒj. Balauft. ʒss. m.

Ventriculum, & Viscera confortat; Intestinatorum tonum renovat; lubricitatem emendat; & importunum motum dejectorium reprimit; His adde, quòd Spiritus exacerbatos pacificat; Humorūque & Vaporū radios à Centro ad corporis Circumferentiam pellit; & exindè foras ablegat.

Haustus Bechicus.

R. Gum. Arab. pul. ʒss. Dissolve super ignem in Aq. Scabiosæ, & Aq. Cinnam. hord. à ʒiiss. Tunc adde Mithrid. Diacord. à ʒj. Lohoch fan. ʒj. Diacodii ʒss. vel ʒvj. m.

Serum acre irritans, è Glandulis in Laryngem suffundi solidum, obtundit, incrassat, & cohibet; partes exquisitè sensiles leni mucore defendit; Somnum suaviter accerit; Sanguiniquè recrementa lymphatica per Diaphorem ex-terminat: Ideoque omnimodè appositum est remedium ad Tussim vespertinam, à frigore suscepto ortam, & inter decumbendum in lectum, inclementer divexantem.

Haus

Haustus Camphoratus.

℞. Camph. (aliquibus guttis Ol. Amygd. dulc. sol.) gr. viij. Aq. Papav. err. ℥iij. Syr. Alth. ℥vj. Sacch. Saturni gr. ij. m.

Ad Urinæ ardorem, & stillicidium (vel ab Epispasticis; vel Sero acri ortum) multum laudatur. Etiam (ut audivi) ad Micturitionem (periculosum istud in Variolis Symptoma) Remedium est celebratum dignissimum.

Haustus Cardiacus.

℞. Aq. Ceraf. nig. Lact. Alexit. ā ℥j. Menthæ ℥j. Epidem. Pæon. comp. ā ℥ij. Confec. Alkerm. ℥j. Ol. Nuc. Mosc. gut. j. Syr. Garyoph. ℥iij. m.

Ad Spirituum lapsum, languorem, & deliquium.

Haustus ad Casum.

℞. Vini Canar. ℥iv. Ol. Terebint. gut. x. Terræ Sigill. Sang. Drac. pul. ā ℥j. Sacch. alb. ℥ij. m.

Acorem absorbet; Sanguinis misturam conservat; characterem balsamicum consolidantem eidem imprimi; & Hæmorrhagias internas sistit.

Haustus ad Catarrhum.

℞. Aq. Tussilag. ℥vj. Sacch. candi alb. ℥vj. Vitel. Ov. No. ij. Probè conquassata, igni admoveantur, & lectum petenti propinentur.

In Tussi (ut ita dicam) Gutturali, Catarrhali, vespertinâ, à frigore suscepto ortum ducente; quæ speciatim inter decumbendum in lectum repetit, atque importunè concutiendo, quietemque prohibendo affligit; hiece Haustus multum auxiliari solet. Laryngem enim dulci mucagine adeò munit, ut Seri acrioris, & irritantis, aculeos non sentiat, atque ita Tussim prorogat, & horam fallit, donec somnus obrepit;

pat, & Tuffiendi tempus tandem elapfum fit.

In Tuffi verò Pectorali, quæ profundius radices egerit, & à fanguine pituitofò, fæculentias craffas Pulmonibus fuffundente, dependet, perniciofus effe videtur nimum liberalis Saccharorum ufus; quia Cruoris maffam fæculentiorum reddit; Bronchia infarcta graviori faburrâ infarcit: putredinalemque difpofitionem Fibris inducit.

In Infula Sancti Thomæ, fub Æquatore (inquit Garencieres) molunt Cannas Saccharinas; & quod fupereit expreffo fucco objiciunt Porcis; qui inde dicuntur in tam miram teneritudinem pinguefcere, ut de bonitate cum Capis Hispanicis certent, denturque ventriculis invalidis. Undè colligere eft, quòd fi Saccharum eâ vi & facultate polleat, ut Suillarem (omnium ferè carnum tenaciffimam) ad tantam teneritudinem adducat; eâdem prorsus ratione Corruptelam, & Sphacelum, in Pulmonibus accelerabit; cum ipfi fint mollis & fpongiofæ fubftantiæ; & Styp-ticis Astringentibusque conferventur.

Haufus Cephalicus.

R. Aq. Ceraf. nig. ꝑij. Pæon. comp. Syrup. Pæon. comp. ā ꝑfs. Tinct. Caftor. gut. xxx. Laud. liq. gut. xv. Cinnab. Antim. ꝑj. m.

In Morbis Convulfivis Idiopathicis, qui ordiuntur primariò in Cerebro ipfo, vel Nervis (ob copulam heterogeneam Spiritus animales in explofiones adigentem) fummoperè conducit. In Sympatheticis verò, qui à mera Irritatione (propter humores acres alicubi in vifceribus delitefcetes, Vermes, aut Dentitionis cruciatum) excitantur, licet aliquid boni (ad præfentem fcilicet explofionem difflandam) apportet; Remedia tamen principalia aliundè (pro caufa

rum varietate) esse desumenda, nemini non si-
quidò satis manifestum esse potest. Ad Curatio-
nem propinetur [si quo modo possit] in ipso Pa-
roxyfimo; vel statim eo finiente. Ad Præcautio-
nem, vesperi per triduum ante Lunationum tem-
pora.

Hauslus Consolans.

R. Aq. Ceraf. nig. ℥ij. Ment. Ros. Damasc. Na-
phæ, Cœlest. ā ʒj. Cinnam. fort. Pæon. comp. ā
ʒij. Confec. Alkerm. Pul. è Chel. Canc. comp. ā
ʒj. Ol. Garyoph. gut. j. Syr. Garyoph. ʒiiij. m.

Spiritibus lapsis, & decumbentibus, fortiter
subvenit. In Virium dejectione, Leipothymia,
& Cordis Palpitatione plurimum potest.

Hauslus è Cynoglossò.

R. Succ. Cynogl. ʒss. Aq. Papav. err. ʒifs. Sacch.
ʒij. Ol. Anisi gut. j. m.

Hauslus è Diagyrdio.

R. Diagyrd. gr. xij. [ad gr. xv.] Antimon. Dia-
phor. ʒss. Sal. Tart. gr. vj. Ol. Junip. gut. vj. Vitel.
Ovi N. j. Probè commistis adde Syr. Ros. Sol.
Aq. Lact. Cinnam. ā ʒss. Aq. Ment. Mirab. ā ʒij.
Sp. Sal. Armon. gut. xij. m.

Detur in Colica Biliofa.

Hauslus Diaphoreticus.

R. Aq. Card. bened. ʒiifs. Epidem. Theriacal.
Syr. de Mecon. ā ʒss. Antimon. Diaphor. ʒj. Ther.
Androm. ʒij. Spir. Sal. Armon. gut. xij. m.

Certiùs, jucundiùs, & potentiùs Diaphore-
ticum, vix erit facile forsàn cuiquam invenire.
Opiata enim Sudoriferis optimè lociantur, quia
Sudoris evacuationem plurimum promovent,
atque lassitudinem & molestiam agris prohi-
bent: Porrò Cardisca & Volatilia Opiatis benè
ad-

adjiciuntur, quia Spiritus, ne Narcoticæ plagæ succumbant, opportunè & fortiter sustentant.

Si Antimonium Diaphoreticum (inquit Hofman.) optimè paratum fuerit, ita ut multùm de Terra Nitrosâ participet; ultra plures annos, absque ulla noxa, agrotis propinari potest. Secus autem, si Sulphur Antimonii in eo excedat, ut à Nitro non debite calcinatum fuerit; tunc manifestè tractu temporis aëri expositum pravam, & malignam, iterùm induere potest naturam, quæ per vim Emeticam ut plurimùm se exerit: Ad quod evitandum ritè præparari debet.

Dr. Grevv asserit Antimonium Diaphoreticum Spiritui Nitri, aut Vitrioli, commistum notabiliter effervesce; indeque argumentatur hanc Præparationem minimè esse inutilem, prout aliqui (à Calcinatione, & Ablutione ejus) suspicati sunt, & afruxerunt. Mihi ipsi verò experimentum cum Oleo Vitrioli facienti nescio cur successus defuit: nullum cujus omnino luctum exindè ortum curiosè observans animadvertere potui.

Hauftus Diureticus Acidus.

℞. Aq. Raph. comp. ℥iſs. Spir. Vini Gall. Succi Limon. ā ℥ſs. Syr. Viol. ℥j. m.

Sitim tollit; Bilem temperat; Salium acores corrigit; Sanguinem refrigerat, fundit, liquat, Serumque copiose fecernit: Pituitam lentam incidit, attenuat, detergit; Urinam ciet; & Arenulas evacuat. Convenit ubi adest Temperamentum calidum, Scorbuticum, Febrilis dispositio; atque ubi Pituita, vel Viscida, vel Glareosa, Renes, aut Vesicam (absque Inflammatione, Ulcereve) obfident, Urinæ cursum inhibet.

Suppressio Urinæ totalis, quæ fit, non à Re-

nibus, Ductibusve Urinariis, Lapide, Sabulo, Mucove obstructis; sed à Sanguine ipso confuso, nimis stricto, & adeò oblerato, ut laticem aquosum intimius permixtum è sinu suo agrè dimittat: cujusmodi casus retulerunt Riverius, Willis, Fr. Sylvius, atque inter Medicinam faciendam ipsemet etiam aliquoties observavi; exindeque eum agnovi, quòd nullus dolor vel Lumborum vel Pubis præcesserat; & Vesica (teste Cathetere) Urinæ omninò vacua fuisset: Hæcce inquam notabilis, & (nisi tempestivè & ritè tractetur) lethalis, Urinæ suppressio curatur (Dr. Baynard monstrante viam) per Spiritum Vitrioli, Nitrive, in vehiculo idoneo liberaliter propinatum: atque eò certius (ut opinor) si venæsectio præmittatur. Hujusce instantias apud Philosoph. Transact. N^o. 215. lectu & observatu dignissimas videre est.

Hausticus Diureticus Oleosus.

℞. Vini albi ꝑiv. Ol. Amygd. dulc. ꝑj. Ol. Terebint. gut. xx. Sacch. albi ꝑss. m.

Urinam, & Sabulum potenter expellit: & maximè commodus est, ubi Renes, Ureteres, aut Vesica sunt (sine magna tamen Inflammatione) excoriata, vel ulcerata. Item in Paroxyſmis Arenulosis (non autem Calculosis) ubi Urina est admodum limpida, vel nigra & turbida, vel sanguinea, vel chylosa, aut purulenta.

Haustus Epilepticus.

℞. Sal. Succini, Ol. Rorisnar. ā gut. ij. Sacch. alb. ꝑj. Optimè tritus in mortario vitreo adde Aq. Cerasor. nig. ꝑss. Aq. Rutæ Pæon. comp. ā ꝑij. Spir. Lavend. comp. Sp. Sal. Armon. Laud. liqu. ā gut. vj. [plus minus, pro ætatis ratione] m.

Hau-

Hauftus ad Febrem Vulnerariam.

℞. Aq. Lact. Alexit. ꝑijss. Theriacal. Acet. ā
 ʒvj. Ocul. Cancr. subtil. pulv. ꝑij. Antimon. Dia-
 phoret. ꝑj. Sacch. candi albi ʒij. Ol. Terebint.
 gut. iv. m.

Cavendum [inquit Fr. Sylvius] in Misturis
 Oculos Cancrorum Aceto solutorum capientibus,
 ne Syrupi ex Mucaginosi parati eis addantur;
 quoniam mox, aut paulo post, redduntur inde
 Mucaginum adinstar spissæ, & ad usum ineptæ.
 Sed ipse [qui hæc scribo] huiusmodi ex Oc. Cancr.
 & Aceto Misturas Saccharo solo edulcoratas,
 tractu temporis instar Albuminum mucilaginosas
 evasisse observavi.

Hauftus Febrifugus.

℞. Aq. Card. ben. ꝑijj. Theriacal. still. Syr. de
 Mecon. ā ʒfs. Dialcord. ʒfs. Sal. Absint. ꝑj. Sp.
 Sal. Armon. gut. xv. Ol. Garyoph. gut. j. m.

Assumat æger horam unam ante expectatum
 Paroxyfmi accessum; & lectum petens Sudorem
 quoquo modo sollicitet: & duas horas perserat.
 Subsidio est in Febribus Intermittentibus; præ-
 fertim ubi Algor, Rigor, & Horror sævius in-
 vadere, & longum durare solent.

Huic verò Haustui non [quasi infallibile esset
 remedium] semper fidendum erit: siquidem
 aliquos observavi, quibus Sudor hoc modo con-
 citatus calidus & profusus, adventante usuali
 paroxyfmo, repente & inopinato cessaverit:
 Horror Rigorquæ febrilis redierit; atque eo pe-
 jus tunc cum ægris actum fuerit, quod madore
 squalentes Algorem molestissimè tulerint.

Hauftus Febrifugus Riverii.

℞. Aq. Cichorii ꝑijj. Sal. Absint. ʒfs. Spir. Vi-
 trioli gut. xx. m.

Hauriatur horam unam ante Paroxyfinum in lecto, Sudorem provocando, & expectando: Atque ante subsecuturos Paroxyfinos repetatur, donec Febris tandem extingatur. Est profecto Remedium minimè contemnendum, ab Febres Intermittentes Vernales.

Si assumatur statim, luſtu inter Alkali & Acidum adhuc vigente, eo potentior erit.

Haustus contra Fluorem.

℞. Alb. Ov. N^o. j. Conquassato adde Aq. Cinnam. fort. ℥iſs. m.

Si sumatur manè & vesperi quotidie, Fluorem album coercere, & Lumbaginem ejus comitem alleviare potis est. Semper verò abstinendum est ab ejus usu, appropinquantibus Menstruorum accursibus.

Haustus Hæmoptoicus.

℞. Aq. Plantag. ℥iv. Aceti, Syr. è Symp. añ ℥ſs. Album Ovi conquass. N^o. j. m.

Hoc reverà Nobile, Expertum, & Parabile remedium, Sanguinem bullientem potenter refrigerat, incrassat, & refrænât: Vasorumque aperturas constringit, occludit, & consolidat.

Haustus Hydragogus.

℞. Gum. Gamand. Crem. Tart. pul. añ gr. xiv. Ol. Junip. gut. iij. Dissolve diligenter in Mortario in Vini albi ℥iij. addendo Sacch. albi ℥iſs. m. Vide Pil. Hydrag.

Haustus Hystericus.

℞. Aq. Puleg. ℥ij. Bryon. comp. ℥iij. Tinct. Castor. ℥j. Succ. Rutæ ℥ſs. Syr. de Artemif. ℥j. m.

Exhiberi potest ante, inter, vel immediate Paroxyfinum.

Haustus Japonicus.

℞. Aq. Sperm. Ranar. ℥ij. Syr. è Rosis ficc. ℥ij.
Ter. Japon. pul. ℥j. Sacch. Saturni gr. iv. Ol. Cin-
nam. gut. j. Laud. liqu. gut. xx. m.

Mirificis pollet virtutibus contra Sanguinis
Vomitum, Hæmoptoen. Mensium profusionem,
& quascunque internas Hæmorrhagias.

Haustus Lacteus.

℞. Vitel. Ov. No. j. Sacch. candi rub. ℥vj. Aq.
Ros. rub. ℥j. Lactis ℥iv. Ol. Nuc. Mosc. gut. j. Op-
timè commisceantur.

Sumatur manè pro Jentaculo, & vesperi pro
Cena, quotidie per longum tempus; ad Febrem
Hecticam, Sudores nocturnos, & Atrophiam,
non à Pulmonum ulceratorum, sed à Sanguinis
ipsius acris, & fermentescibilis, vitio ortam.

Haustus Nitrosus.

℞. Aq. Papav. errat. ℥iij. Sal. Prunel. ℥j. Syr.
Viol. ℥j. m.

Sanguinem refrigerio perfundit, ejusque len-
torem incidit, & Obstructiones, Inflammatio-
nesque inde natas, extinguit; Sitim sedat; Uri-
nam movet. Valet præcipuè contra Pleuritidem
Peripneumoniam, & Febres Inflammatorias ma-
lignitatis expertes.

Haustus Oleosus.

℞. Ol. Lini (non rancidi) ℥iij. Ol. Anisi gut.
ij. Syr. Capil. Ven. ℥j. Spir. Sal. Armon. gut. xij.
m.

Ad Pleuritidem (cum cruento sputo) Perip-
neumoniam & Asthma (Venæsectionibus de-
bitis non neglectis) ἀσθίαν.

Ab assumpto Oleo, horam abstineat æger à
quibuscunque Liquoribus: secus enim Oleum
illis

illis supernatans in Ventriculo, Nauseam excitabit; exindeque per Vomitum rejicietur.

Oleum recens extractum requirimus quia palato gratius non adeo nauseam excitat; sed inveteratum & rancidum potius eligere debemus, quia potentius digerit, & expectorat.

Deliculis vero si recens parari nequeat, istud (ut habet Etmullerus) ad solem depurandum & ita reservandum est, nempe ℞. Ol. Lini expr. Aq. tepidæ ā Concutiantur bene invicem, & quantum possibile commisceantur: postea relinquuntur in sole; & semper quod in fundo est separetur, hocque toties donec Oleum purificetur.

Audivi Oleum optimè depurari posse, libræ uni Olei addendo ℥j. pul. Salis Nitri, & simul in phiala fursùm deorsùm agitata, diu & fortiter conquassando.

Haustus Paregoricus communis.

℞. Aq. Ceras. nig. ℥ijss. Aq. Epidem. Cinnam. fort. ā ℥ij. Syr. de Mecon. ℥j. m.

Frequentissimi usûs est, ad Dolorem pacandum, & Somnum conciliandum.

Haustus Paregor. Refrigerans.

℞. Aq. Papav. Rhæad. ℥ij. Aq. Sperm. Ranar. Syr. Limon. ā ℥j. Laud. liq. gut. xxv. m.

Ad eisdem usus; præcipuè ubi datur Febris, Sitis intensa.

Haustus Peruvianus.

℞. Aq. Card. ben. ℥ij. Aq. Epidem. Syr. Garryoph. ā ℥ij. Ol. Nuc. Mosc. gut. j. Pul. Cort. Peruv. ℥j. m.

Gratissimus hic modus est exhibendi Corticem ad Febres Intermittentes.

Haustus Pleuriticus.

R. Pul. Olib. (vel Refinæ Pini) pulv. ʒj. Vitel. Ov. No. j. Diacod. ʒvj. Aq. Papav. ʒj. Aq. Theriac. ʒss. Ol. Anisi gut. ij. Sp. Sal. Armon. gut. xij. m.

Haustus Preparans.

R. Vini Rhen. ʒiij. Crem. Tart. pul. ʒj. Syr. è 5. Rad. Oxym. Scill. ā ʒss. m.

Cap. vesperi Purgationem præcedenti, si Phlegma viscosum Ventriculum & Intestina instar glutinis oblinat.

Haustus Saccharinus.

R. Aq. Rosar. Damasc. Cinnam. hord. Sacch. candi rubri ā ʒij. Dissolve super ignem pro unico Haustu vespertino.

Vires æmulatur Haustus ad Catarrhum: Partibus enim exquisitè sensilibus, & irritabilibus, mucorem obducit; easque contra Rheumatis injurias defendit: Serum tenue incrassat; & acre obtundit. Ob enormem verò (quâ saturatur) Sacchari quantitatem, minimè debet iis obtrudi, quorum Ventriculus copiosâ phlegmatis viscosi saburrâ oblinatur, & oneratur.

Haustus è Salibus volatilibus.

R. Sal. volat. CC. ʒss. Sal. Succini gr. v. Vini Canar. ʒiv. Ol. Nuc. Mosc. gut. ij. Sach. albi ʒij. m.

Commodissima hæc videtur formula, quâ, minimo cum palati offenso, assumi possunt Salia volatilia: atque est planè quoddam Sal Volatile Oleosum extemporaneè paratum. Spiritus labascentes, aut prostratos, exsuscitat; Sanguinem grumescens dissolvit; lentescens incidit; stagnantem commovet; fæculentum depurat; & Urinam ciet. Utilissimè præscribitur ad Capitis Gravedinem; Lethargum; Paralyfin; Leipothymiam;

miam; Cordis Tremorem; Pleuritidem, & Hydropem.

Haustus Saponaceus.

℞. Sapon. Venet. raf. à ℥ij. ad ℥iv. Coq. in Lact. ℥vj. ad ℥iv. Adde Sacch. albi ℥iij. Col.

Detur manè, & quartâ pomeridianâ, per quadriduam, vel quintiduam, ad lèterum. Valentiſſimum habetur remedium.

Barbette refert de quadam annos circiter viginti nata, quæ integrum per annum laboraverat motibus Epilepticis, à 7. matutina in horam 9. vespertinam durantibus, cum spuma oris, sine loquela, aut sensu, cui; sequentem Haustum bis quotidie propinavit, & mensis spatio sanitatem ei reddidit.

℞. Sapon. Hispan. alb. ℥fs. Coq. ex Lact. Vaccino, & col. ℥iij. dentur potui.

Haustus Saturninus.

℞. Aq. Sperm. Ranar. ℥fs. Aceti. ℥fs. Succu Urticæ ℥ij. Syr. de Mecon. ℥vj. Sacch. Saturni gr. vj. Alum. gr. iij. Sang. Drac. ℥fs. m.

Ad Hæmorrhagias.

Haustus Stypticus.

℞. Aq. Plantag. Sperm. Ranar. à ℥fs. Aq. Cinnam. hord. Aceti à ℥iij. Syr. Nymph. ℥fs. Croci Martis atring. ℥fs. Sacch. Saturni gr. v. m.

Quibuscunque Hæmorrhagiis; præsertim Mensium profusione; & Sanguinis Vomitu, feliciter medetur.

Haustus Variolosus.

℞. Coccinel. integ. ℥j. Coq. in Aq. Lact. Alexit. ℥iv. Col. ℥iij. dissol. Diascord. à ℥j. ad ℥j. Diascod. ℥vj. Ol. Nuc. Mosc. gut. j. m.

Haustus contra Vomitum.

℞. Aq. Cinnam. fort. Syr. Limon. à ℥fs. Sal. Ab-sinth.

finth. ℥j. Ol. Nuc. Mosc. & Caryoph. añ gut. j.
Laudan. liqu. gut. xx. m.

Expertissimum, utilissimum, & rarò fallax re-
medium. In Colica cum Vomitione enormi, &
Astrictione alvi pertinaci, addere potes pul.
Rhab. ʒss. & reiterare, donec operetur.

Hydrogal. Chartacei ℥ij.

℞. Chartæ Scriptoriæ optimæ Schedas N. iv.
Panes biscoctos Neapolitanos N. ij. Aq. ℥ijss.
Coq. ad ʒbiss. Col. adde Lactis ʒbiss. Coq. iterum
ad ʒij. & adde Nuc. Mosch. rasæ, & Sacch. al-
bi q. s. m.

Edulcorat, incrassat, obstipat: In specie, Su-
doribus matutinis, Diarrhœa, & Mensium im-
modico fluxui laborantibus succurrit.

Hydromel Joetis.

℞. Rad. Zedoar. ʒss. Gum. Ammon. (non col.)
ʒij. Flor. Sulph. ʒij. Mellis despum. ʒij. Aquæ
ʒij. coq. (non despumando) ad ʒxij. sub finem
addendo Croci gr. xij. quando friget, col.

Potenter admodum incidit, eliquat, & edu-
cit Phlegma viscidum, ductus pneumonicos in-
ferciens, exindeq. Orthopnæam, & Asthma hu-
midum inferens. Utrum verò conveniat in Asth-
mate sicco, convulsivo, febrili, nondum satis
habeo perspectum: Sed verisimile mihi vide-
tur, quòd in isto rerum statu, Sanguinem nimis
effervesfacere, humorum orgasmum concitare,
& consequenter Paroxysmum intendere, possit.
Pacienti sæpius propinetur cochl. j. vel ij.

Hydromel Asthmaticum.

℞. Flor. recent. Digitalis ʒss. His Affunde
Aquæ font. calentis ʒij. Arctè claude in olla in-
vitreata nova, postridie exprimendo cola. Hu-
jus ʒbiss. adjunge s. a. Gum. Ammon. (Aceti

ꝑiv. soluti) ꝑj. Mellis ꝑiv. Tinct. Benzo. ꝑij.

Cochleatim assumatur, addendo pro re nata
Sp. Sal. Armon.

Hydromel Calceum.

℞. Aq. Calc. ꝑviiij. Lig. Guajaci, Sassafr. ā ꝑij.
Sem. Carui, Coriand. ā ꝑss. Glycyrrh. ꝑj. Passul.
Malacens. ꝑij. Fiat maceratio frigida per inte-
grum diem; liquori transcolato adde Mellis
ꝑviiij. m. super lentum ignem.

Lixivium Calcis sale gaudet sui generis egre-
gio, à quo præcipitatis acribus (tum Muriati-
cis, tum Acidis) sanguinis particulis, tota mas-
sa mitescit, atque inde facilius novum chylum
amplectitur, & in propriam naturam subigit;
quo fluxio chyli ad partes Ulceratas fit minor;
& consequenter expeditior fit sanatio Ulcerum.

Hydromel cum Cerasis.

℞. Aq. font. ꝑxij. Mell. ꝑij. Ad perfectam des-
pumationem coctis adjice Succis Cerasor. acidu-
lor ꝑij. Rursus bulliant parum, spumam accu-
ratissimè auferendo.

Saporis erit jucundissimi, & pro potu ordina-
rio inserviat.

Eodem planè modo, conficies è Succo Citri,
aliisque Succis gratis & acidis, inquit Dr. Laf-
her.

Hydromel Diuretici ꝑij.

℞. Rad. Rubiæ Tinct. Fænic. ā ꝑj. Petrosel. ꝑij.
Bac. Lauri, Junip. ā ꝑss. Sem. Dauci sylv. Fænic.
dulg. ā ꝑij. Coq. in Aq. font. ꝑijss. Col. ꝑxxviiij.
adde Succis Parietar. Mellis ā ꝑiv. Percoq. ad des-
pumationem.

Hydromel Diuretico-Lavigans.

℞. Rad. Alth. ꝑij. Fænic. Petrosel. ā ꝑj. Herb.
Malv. M. ij. Passul. Malacens. ꝑj. Glycyrrh. ꝑss.
Coq.

Coq. in Aq. Hord. depur. ℥iij. ad ij. In col. dis-
fol. Gum. Arab. ℥j. Mellis ℥iij. Coq. ad despum.

Dof. ℥iv. cum totidem uncis Vini albi, ter in
die.

1. *Hydromel Pectoralis* ℥ij.

℞. Glycyrrh. ℥ij. Passul. sol. expurgat. ℥iv.
Coq. in Aq. Hord. depurata ℥iij. ad ℥ij. Col. ad-
de Mellis ℥ij. Coq. ad despumationem.

2. *Hydromel. Pectoralis* ℥ij.

℞. Hord. perl. Passul. sol. exacinat. ā ℥ss. Fic.
No. iv. Rad. Liquirit. ℥ij. Enulae, Ireos Florent.
Cal. arom. Herb. Nicot. succ. ā ℥j. Tusilag. Hed.
terrest. Erysimi, Saniculæ ā M. j. Sem. Fanic.
dulc. & Anisi (sub finem addit.) ā ℥ij. f. decoct.
in Hydrom. simpl. ℥iij. ad ℥ij. Col.

Æquè ferè incidit, & expectorat, ac supe-
rius illud Joëlis: sed insuper, validius emollit;
lubricat; digerit, & maturat. Usui erit benefi-
co in Tussi profunda, & laboriosa quando sci-
licet Thoracis intimi recessus cruda lentescenti-
que Pituita obferciuntur, & aggravantur. In Ca-
tarrho autem febrili, tenui, & acri, per glan-
dulas gutturales perpetim depluente, omninò
noxium esse reperietur, propterea quòd Humo-
res nimium fundendo, calefaciendo, & tumul-
tuariè exagitando, Affectum certò certius plu-
rimum augebit. Dentur ℥iij. calidè ter in die.

Hydromel. Simplicis ℥iv.

℞. Aq. puræ font. ℥iv. Mellis ℥ss. Coq. ad
perfectam despumationem.

Aliqui parant cum Aquæ ℥v. & Mell. ℥j.

Hydromeliti cuilibet composito conficiendo
inservire potest; & rariùs usurpatur per se: Ni-
hilominus sat congruum videtur Asthmaticis,
durante paroxysmo, in potum ordinarium; &
diuturnâ Tussi laborantibus. Mel

Mel constat ex principio dulci, viscido manifesto; & acri volatili latente. Ab Acredine detergit, & siccat; A Visciditate digerit, & sanat.

Zwelferus Mellis depurationem per violentas cocturas maximè improbat, solam simplicem per manicam Hippocratis colaturam, in loco moderatè calido, admittit, & laudat. Ita sine omni coctione aut despumatione, Mel purissimum, suo inesse naturali durabile, propriisque virtutibus prægnans, asservari posse ac deberi affirmat.

Si verò multùm coquatur, exinde fiet, ut Cera & Propolis illi intimius permisceantur, nunquam post à Melle amplius ex toto separabilia, quin impuritas maxima, ingratusque sapor & odor, Melli impressa, maneat tenaciter, decies licet clarificetur.

Atque assèrit totam Mellis substantiam in bullas & nihilum tandem abire posse (præcipuè superinfusâ sæpius aquâ) si immoderatè & sæpius decoquatur.

Hydromel de Symphyto.

℞. Rad. Symph. maj. ℥iv. Herb. Plantag. M. ij. Sem. Papav. alb. Hyoscy. ā ℥ij. Coq. in Aq. Hord. depur. ℥iij ad ℥xxviii. Col. dissol. Mellis ℥iv. Sacch. Saturni. gr. xxiv. Cùm refrixerit adde Album. Ovor. conquis. No. iv. Optimè commisceantur.

Ad Hæmorrhagias quascumque dentur ℥iv. pro dosi.

Infusi Amari ℥iv.

℞. Aq. destill. ℥iv. Spir. Vini ℥ss. Sal. Tart. gr. 32. Rad. Gent. ℥iij. Summit Card. ben. Centaur. min. Fl. Chamæm. ā ℥vj. Infunde in Balneo 12. horas & col.

Propinare soleo vel per se; vel cum Vino Amaro ad hunc modum. ℞. In-